



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 五〇

龍性堂詩集二卷 葉矯然撰

一

東溟集二卷雁唳編一卷 葉矯然撰

四七

與袁堂集十四卷（詩集十卷文集四卷） 陳殿桂撰

七三

定山堂詩集四十三卷定山堂詩餘四卷（定山堂詩集

卷一至卷三十） 龔鼎孳撰

一三二



龍性堂詩序

詩為六經之一而今人恒易為之可也且其失復不在易也自鍾記室作詩品謂詩源出於其後乃又有江西詩派曰源曰派皆不過論其門戶耳夫門戶猶之面貌也人不各有其風神氣骨與夫性情之大不同者乎奈何令其內者而第求之於其外者以為詩如是遂只目豪也故言信乎品之說者其失也

冠世者為東施之捧心矣有信詩之說者其失也善者太伯逃荆蠻之鄉不善者八孫作井底之蛙矣凡此即難為之復何益焉因宋人既有西江派而近代牧齋錢公乃目林子羽高廷禮為閩派斯又過矣余謂林與高亦自閩中傑者獨惜其詩但從唐人入手耳林高而後如韓能始黃石齋兩公炳炳大節既可與日月爭光而詩或本之國風或本之離騷其人千古

其詩亦千古决無疑也閩詩其多乎辛酉初冬余來吳門得遇閩之三山葉思菴先生持龍性堂詩集葑梓成屬予為序他日復出示詩話若干卷子把玩數日乃喟狀而嘆曰嗟乎先生之於詩豈如今人之易為之者乎五言古詩熟精文選而復出以新彩顧獨學謝不學洵及其規矩唐調又似昌黎復起莽兀雄放若不知為學前皆所為蓋一體之中而變化大抵風

禪取諸蕪氣骨取諸韓也詩云左之左之無不宐之右之右之無不宐之此之謂矣彼易為之者何足語此及諸今體特重氣格似懲瓦礫之專喜圓美而思補救之者惜虞山氏逝矣不及一見之也先生於詩過人遠矣余論詩之旨如此未知可借詩話一則否也渭北區學弟孫枝蔚頓首誤



序

明矣西閣墨子彥芳為楊維節先生首薦刻三十八藝中時葉思菴年甫入大學卽有嗜痂之癖今且五十矣猶能對子成誦清興鼎華來思菴辛卯壬辰聯發予與同楊半玉郭裕九二先生房思菴天資高朗制舉業用功一倍勝人千百倍一飛冲天宜也乙未赴選人留京中思菴吟詩輒索子和蚤歲先子執友如陳鴻節林仲復楊仲蔚諸先生不斷三日嘗過從先子見其論作詩之宜之忌之

龍性堂詩集序

離之合某字法為唐人某字法為宋人作唐人詩不得用宋字古詩韻脚與律詩不叶諸如此論雖非作詩之精微顧今人之知之者豈不得入門而遽升堂與吾未見足弗躓也予不自度津津以語思菴何知駿馬一息千里蹇如予弗及真弗及耳客有問予思菴治詩之法予曰思菴之於詩也蓋深悉乎詩之源流然則司空圖二十四詩品思菴何似乎予曰詩之妙在沉着高古渾融冲淡縝密委曲思菴無所不有何論似不似也適者思菴

出全稿屬子選次爲艱於剗僅成若干篇諸體
具備譬之豹見一斑耳夫吾謂詩三百篇比興始
義也賦其次也宣鬱道和直言之不可故婉言之
正言之不可故反言之是也草蟲楊柳鳴鳩弁鷺
此其選哉啞鼓扣以銅魚苾鍼引以磁石豈非其
理之遙應類不相求又非可強合也耶雖然北征
誰不言少陵南山誰不推韓吏部闡述亦既極其
力間有不盡旨處讀王建張佑宮詞興會感奮婉
轉抑揚意在言表似反得之抑又何也巧生於心

龍性堂詩集

序

二

解麗爲采或窮詣而聖或放曠而仙或才別而逸
或思幽而險嚴子羽言詩之爲道在妙悟惟悟乃
爲當行乃爲本色諸作者其亦得力於悟乎偏於
比興意雖深而近俚偏於賦詞雖典而傷襲是故
至焉而必求其精精焉而必求當人祇知精難豈
知當難於精宋字不得用於唐詩良以宋字弗當
耳予嘗讀他人詩祇見易而不可解讀思菴詩獨
覺難難讀思菴詩然後知思菴詩亦甚易讀也予
與思菴河里閑論情親先世自高曾今且數代愈

益親厚以故予與思菴論詩論文反覆辨難必求

當後已嗟乎予先思菴學詩十年自以爲弗及思
菴者予詩率意出思菴必且三四推敲說者謂予
多得白性情思菴兼得諸學力精焉而不得當思
菴無之客又有言前之作詩人皆蓋本也思菴固
青於藍者也予謂紫之可奪朱也而紫寔非朱夫
子深惡之豈欺我哉今世人之詩皆尚紫亦過鍾
人氏而問之乎序思菴詩而因及世人之詩願亟
以思菴詩正之予殆躁也已同里眷門年弟吳彥

芳拜手題

龍性堂詩集

序

三

龍性堂詩跋

以思之精學之篤而積之以年則其爲業也必
工痾瘳之蝟也梓慶之鑲也扁之輪也觴深之
舟也進乎技矣朕亦各遂其性之所喜而習之
不厭使數人易地而爲之又未必兼致其工若
是也學詩者何以異此思菴葉先生余總角時
硯席友也深思積學尤嗜聲詩宦遊後幾三十
年矻矻朕大肆力於風雅探索漢魏三唐闡與

林跋一

論次辨晰著爲詩話數集皆前人所未發有所
感觸輒吐其胸中崛岉洶涌之氣以寄其嶽峙
歷落之懷而以正始之音出之故其所爲詩沉
雄道警閎肆無涯浹迴出尋常畦迥余心折久
矣憶吾闔甲乙間余以豐狐文豹之患剝形去
皮挈挈歸建溪漠無所向適先生遊屐所歷相
過握手談及三十年來升沉得喪自悲早衰而
屈指故交如晨星落落咨慨久之因出其所爲

龍性堂詩集見示余正當不自聊諷誦數過欣
朕不忍釋手夫逃空谷者聞昆弟親戚之警欬
且適朕色喜而况以黃鍾大呂之音引商刻羽
雜奏於其前其爲樂何等也余自慙寡學時當
南冠久繫亦頗有所著率多變徵之聲先生見
之疵余數章露跡記余嘗作梁父吟其篇末云
願將胸中愁萬斛招呼古人爲痛哭仰天吐作
千丈虹橫亘人間衆共目今稿不復存在當日

林跋二

惟恐其露之不盡也朕而去風人之旨遠矣非
先生何以得此讜論哉余敬謝而誌之用是益
知先生之詩爲必傳之業蓋於此道三折肱矣
詩未易言如此溱園氏云造物之報人也不報
其人而報其人之天猶信同里同學弟林雲銘
拜手書



自序

壬辰釋褐居京邸注意聲韻之學取文選荆公唐
百家詩繙閱欣心時為 先人營窀穸請急歸里
出張家灣下渾河襍被舟行遇佳山水留連有作
輒自喜乙未再入都赴選人適吳香為同門留京
師晨夕談讌香為好吟詩詩成輒趣予和且為言
作詩之法古今體韻迥異唐宋人下字不同津
津不厭予笑不言顧壯歲思銳手敏每一感觸好
尋寫胸中磊落積日月成帙付劄副題曰不暇懶

龍性堂詩集

自序

一

蓋自警也明年選授樂亭令之官謁觀察萊陽宋
公荔裳一見憾晚出不暇嬾為贊荔裳喜曰吾此
不孤矣遂不絮邑事所至孤竹灤河山海諸勝亦
皆喃喃自叶宮徵今東溟集是也居東溟六載謝
病歸是為今

改元康熙之二年行至武林聞閩鄉方若兵會香
為亦自東牟還僑家山陰招東渡寄廬焉旋與香
為遊金陵見周櫟園先生時龍丘余岫雲嘉善曹
顧菴錢塘金夢蜚先在座次日陳默公張翁人周

古邨吳定辭徐二玉偕來全道暑河房賦詩相樂
顧菴輯有秦淮雅集之缺而予雁唳編亦踵出焉

庚戌躡里門掃先壟出郭望城西湖水如練心甚
樂之一二舊好載酒獻歌不減兩高峰下奈天未
悔禍妖讖亂作三年此心業在揚之水之卒章矣
昔人有言明妃遠嫁單于之夕摩詰見魯祿山之
時秉燭徬徨不能假寐幸留詩詞一道以紓其悞
恨無聊讀龍性堂詩怒焉傷之知其愛患為已亟
矣若夫體格聲調升降瑕疵風雅別裁俟之其人
都不具論粗述其撰次先後大概如此昔康熙壬
戌上巳思菴氏書于虎丘精舍

龍性堂詩集

自序

二

龍性堂詩集卷上

古閩三山葉矯然思菴著

同里同門 吳彥芳香為 謝天樞星源 參

五言古

雜感 有引

雜感者取文通雜體篇目以志感也觸事懷人爰誤八首若格調離合則不遑辨焉

感遇

龍性堂詩集 卷上

飀飀腹背羽難奮升天翼市無伯樂踪驚足方飽

食束髮諷詩書璠璣竊雕飾賈用怨寶棄迷方寡

顏色幸值名賢顧並坐君子側干祿拯物情服義

親民職填委紛相仍吏道一何逼振翮薄雲上慕

者何所弋但惜下泉人怛然涕霑臆知我將我生

浩蕩曷有極

言志

嘉蕙秀空谷玄豹隱深霧俗士希末榮達人聳高

步曰余依方者抗志慙遠度驥首薊北衢鍛羽東

溟路身無管葛名詎以蒼生誤退尊丘園道冥心
息馳驚康濟功未敷嘉遯理已悟幽居清嘯與朋
來芳醕聚白雲屯屑阿皎月麗高樹已嗤子雲玄
復晒相如賦懷古媚幽獨立言慰遲暮

羈宦

道睽東觀秘銜命畿右牧國典渥舊人阡陌賚公
族登城眺人煙比屋隸湯沐農夫懸耒耜寒女空
杼軸嗷嗷哀子遺熒熒嗟不淑苟云免流散而忍
施篷朴七月涼颼吹八月天氣肅歲晚日行役黃

龍性堂詩集 卷上

塵慘蔽目陰景勁鵬翔荒榛篋兔逐僕夫告况瘁
稅駕恥徇祿桐鄉有遺謠清風企孤竹 承平府古孤竹國

感交

嚶嚶林間鳥馥馥澤中蘭聲臭有必合寡諧良獨
難眷言懷我友斗酒相與歡職日敦信誓握手輸
肺肝死生尚不渝貴賤况殊觀不揆地勢迴升沉
匪一端廉公亦已老范叔祇自寒愛至望苦深斯
言良可歎所以獨行士守道以自安

咏史

豫子稱國士三晉屠智伯孔明王佐才後主終銜
壁荆軻事不成燕丹患轉劇留侯博浪中一擊非
善策英雄值數窮跬步歎踟躕世人觀成敗紛紛
置訶責卓哉介之推深山自滅跡孤趙亦何能貪
天爲己力

雜述

髡徒磨上賞賈豎綰通侯一飯羅五珍車前鳴八
騶咄咄作氣勢赫赫震交遊豈無當世賢抱關伏
下流揚子悲執戟馮生困白頭魏匏嗟寡用荆璧

龍性堂詩集 卷上

三

傷晴投獨醒滋物議危行致晉尤允矣脫塵鞅俛
仰無所求

山居 用陶韻

投足棲鳧館地偏人跡疎泰望儼當戶鏡水遶前
廬雀聲喧東軒稚子靜讀書盎中尚有粟且勿巾
我車有烏薄天飛浮雲與之俱迴翔覽德輝繒繳
將安圖意欲托輕翼天路任所如

遊山 時歷剡中諸勝

羈阻憂成緒孤景懷難任秋晨盪幽滯雲嶠招遠

尋朝瞰散阡術徒御亦懷歆霞明沃洲嶺松高天
姥岑哀湍澗鳴玉朱實林聚金延紆愉繁蔚躋嶮
忘嶮欽仙踪隱不見花源信幾深崖歆鮮榮木蠹
絕斷翔禽遼巡伯昏踵冷冷御風音履崇發危慮
孰寢生道心庶乘游眺趣獲免塵思侵詎俟叢桂
賦旋欲解吾簪

庚戌冬月還里作

陽鳥欣南翔邊馬呼朔風靈曜迅西汜川潮紛趨
東息漉洪江湄暝色屯前峰行子迷新術僕夫忘

龍性堂詩集 卷上

四

舊踪城闌改眺睹桑梓申敬恭覽故情易悽囑物
眷彌重棲棲廿紀周茲獲息微躬寡營適天和履
順道可通陶氏隱栗里躬耕學爲農邠生早拂衣
不待盛與崇尚協曩賢志卷舒翼能同

葺舊園作

蔣徑延二仲班廬止仁里蓬生張子門鳥喧翟公
所伊予城北居林樾遠塵市雖非足休憇聊取除
風雨庭戶罕新營壤石非外徙漣池盪沮如植援
羅松杞疊巘旣當軒羣木亦親水匡坐典嘯歌朋

來展文史顏巷固云樂原室焉足恥瞰高有冥鑿
歌奐豈遂美願言返初服於焉誦永矢鄙哉于公
言高大期孫子

上巳鄭瞻亭招西湖禊集

元已麗朝景嘉會欣再舉哲匠感良辰揚舲公清
渚習習谷風吹泥泥露溼萋萋冒碧潯咬咬
繡羽春物信娛人朋情澹容與緬維修禊者逸爵
引勝侶俛仰敦古歡超越景高矩芳湖靜不流佳
人渺何許我里慎佚游作息有恒處士罷秉蘭吟
流中情將焉取

龍性堂詩集

卷上

五

郊少贈芍女乃知此謠俗被服鄒與魯渙渙溱溱
遊古田極樂寺見壁間抄宋景德年邑令李
堪古詩一首喜無宋習倚柱和之

童林鮮樵蘇炎景灼西岫緬睇古招提鳥道白雲
秀金鋪薛荔光珠傾菡萏漏龍象野馬侵虞業蒲
牢舊稽首兩足尊瓣香聊一扣山禽挾子飛池水
通川溜菴苑弱柳眠嫋嫋遊絲裊清虛靜可悅紛
華詎能鬪花散座上蓮烟吐爐中獸龕藏維摩病

壁向瞿曇瘦茂宰宋之傑琳瑯稱宿構令德與高
言時祝畏壘壽俎豆依桐鄉精魂託靈鷲而今一
再賡黃鳥啼清晝

和韓讀書詩

有引

春雨瀾漫兀坐硯北督兒子句讀見棐几
上韓集符城南讀書詩漫次一首誦之俾
悚息情嬉云

龍性堂詩集

卷上

六

士期於聖賢惟學為權輿聖賢久已往學之在詩
書讀書志欲大窮理心欲虛虛以成其大學以全
其初所以男子生里黨慶充閭貧富各生子眉目
總相如富人日萬錢貧子食無魚同來學文藝勤
成惰則疎維此貧人子決疑易決渠惟彼富家兒
蠢若廡下豬貧子登雲霄手探月中蟾富兒日淪
落何異溝壑蛆貴賤迴霄壤試問義何居總學與
不學汝可無戒歟莫貴荒年穀要在豐歲儲努力
亟及時壯盛力有餘學成而名立其樂亦只且如
農播百穀隙土盡犁鋤無令技止此貽笑黔之驢
我聞學猶殖不殖負畱畝驢無蹇步千里猶階

除宵行須秉燭警行須牽裾舍是則蹉跌多咎而
少譽誦詩應專對讀史破拘墟朝視白日速暮見
朱霞舒分陰真可惜敢擲此居諸勿如我鴛質臨
老猶踟躕

哭方聲木年兄

登山不厭高臨水不厭深高深有時盡無復山水
音顧予與之子金石締素心予遵北平役子服京
華簪幸值封畿內短札時見臨嗣銜 天子命樹
羽鍾離陰招我千里駕遲我歸故林當餐必共食

龍性堂詩集 卷上

七

對酒不孤斟行坐一相隨奚殊背與襟歛聞高堂
計訣絕隔千岑湧淚淚爲血舉頭頭爲涔迴腸腸
爲斷發聲聲爲瘖自恨一官縛不若反哺禽蒼黃
返親舍跣足歷嶇嶇行路皆歎惜暗者 祭忽
忽今三載二豎暗交尋纔輟臯魚哭竟撤嵇康琴
向也遊於酒或咎麴蘖淫我聞養生家醇耐比參
苓又聞埋照人禍害莫能侵墜車骨不折入山虎
不擒君與古爲徒詎受酒與沉和光有至性天全
物所欽思君不可作爲君動悲吟知我無鮑子割

席多華歆越石去千載誰復識盧諶萬化終紀極
交情無古今此道已如土疇能知斷金

詩夏日吟

甲寅三伏毒熱倍常池齋偃臥無聊漫次杜
奕官張火傘其氣如焚街亭午轉熏鑠金石爲之
開緬想十日出天行一何乖后羿彎神弓九日沒
塵埃只今入無二沐浴滄海涯如何當夏烈枯槁
及蒿萊行道求息陰避之若虎豺家無北窻涼清
風安在哉歎彼襦襞子言笑強俗諧昔賢况夏畦

龍性堂詩集 卷上

八

偃僕難與偕

又大夏夜歎

薄暝喜新沐一瓢清肺腸微月復東出照我薄羅
裳滅燭憐蛾聚步檐河漢光蛙吹遠相續遊魚亦
羣涼俄鞭金電赤動地聲飛揚軍府嚴更敲號令
禦非常憶昔年少日無事稱海疆闔絕 警燈
火市相望銀燭開歡宴客散白東方佳晨多艱事
永夜醉爲鄉烟塵三十載哀鴻四散翔念之增煩
熱何期慰小康

秋懷詩十一首 大昌黎韻

秋雨日夜繁秋草綠蕤蕤唧唧砌間蟲鳴咽劇不
已幽芳雖可悅悽籟信哀耳攬衣步前庭涼颼中
夜起迴首失狂炎與昨不相似金商澄素節炙手
竟難恃海水復揚塵舟壑詎一軌亡羊失則均得
鹿漫成喜

其二

青青北窓竹寒露莫能悴籬花未吐黃臙脂漫委
地貞脆限所稟物情焉得恣混混造化爐共詫躍

龍性堂詩集 卷上

九

冶異知命君子德順受詎爲貴

其三

昔賢何噉噉薄俗何曼曼胡然抹薇士竟絕人間
飯男兒不鼎食簞瓢固所願人爵豈不榮志士顧
之歎赫蹠數陳言折衝甲兵萬毛生穎空脫和氏
璧徒獻已矣勿復道蛾眉信多怨

其四

東逝日滔滔南山日淩淩巴飲謂白雪連城汚青
蠅人情失所向美好翻成憎曉起鰲峰館寒雀喧

觚稜荒池寡鱗鬣焉用留與督臨淵泊無羨鈎曲
亦何能

其五

雲中新雁飛宵半孤鶴警秋聲偏遠聞夜氣覺初
永巢燕送將歸潛虻其猛濟遠艱利涉汲深羞
短綆塵慮忻少撓清夢聊自幸所憾尚子志紛紜
苦難屏

其六

一日不再晝百年有終景人非任與騃此理亦阿

龍性堂詩集 卷上

十

同秋葉一辭樹只合隨汎梗老馬雖諳途寧復康
莊騁伉直况吾性肯浪事干請 杜于請傷直性

其七

二曜有虧蝕精魄苦時暗百卉及秋零未云有所
憾廣殖林厚亡高明怖冥歟腥腐銷靈根至味不
厭淡處約理尤敦寧復歎窮濫終古一斯須道力
無久暫蒙莊信虛舟知疇縱其纜揚子守玄經皓
首勤點勘室無千鍾儲所謀且甄甌

其八

虛堂驟雨過浙浙灑前軒
俄復霽景豁仰視浮雲
奔披惟理書帙端誦古人言
古人去我久恍然臨
我前坐久忘其渺日晏忘其貧
人生易埋滅不朽
名山編屈指百年日三萬有六千
蹉跎日復日日
盡亦悲酸不如讀書倦仍枕書眠
莫將無窮事
擲我有生年

其九

泠泠青桂濕皎皎白榆乾
明河爛不落北斗西闌
干仰睇涼蟾影霜輪不滿團
牽牛阻橋畔飛鵲填

龍性堂詩集 卷上

七

未安况復秋濤起巨鬣吹滄澗
安得有窮姬餉我
藥一九一食生毛羽揮手謝塵鞍

其十

寂寂結遠响吹萬作商聲
黯黯泊無象夜景盪虛
明靜惟變化理感激造物誠
懷芳情難歇撫衰慮
亦辭榮天行固如此人事誰能令

其十一

誰道秋興逸太白詩句好誰賦秋興悲安仁二毛

早浮榮有但謝靈根自相保
鸚鵡再揚聲衆芳詎
終槁觀化與觀生達人奚所道

延津同陳瓊上徐蘇門鄭肇修陳省齋集飲

鄭瞻紫廣文賦梅閣

振策陟梅阜俯瞰雙溪繞數仞
卜其峰首藉青窈
窈夫子金閨鶴劄發玉龍矯
一行縮儒紳巾卷圍
橋沼春風灑函丈問奇載清醪
孝緒五經笥有道
人倫表桓榮稽古深陽城大義曉
古來稱儒宗雜
流無敢擾胡然今瓊席統袴諸
年少先生顧之笑

龍性堂詩集 卷上

七

高臥爲卻掃我來飲梅閣時值春之杪
不見梅花
開却憐梅子小壁有梅花賦四座歌嫋嫋側聞楊
馬論賦才未易了賦家包天地賦心搜玄渺又云
熟千賦習久而生巧生平梅花詞閣筆不敢掉媿
非鐵石腸空歎廣平調揮手語鄭虔得句驚謝朓
姑蘇行呈吳香爲同門

霸氣歎煙銷竊據笑瓦裂吳沼張自焚今古同灰
滅祗餘閭門里市肆紛羅列朱門新甲第古屋舊
闕闕北聞雨潦瀕中田斷禾穢織作杼軸空漁蠻

稻蟹竭梁傭何處春伍乞簫聲咽廿載七過此此
來風景別棲遲三山館凍臥十日雪擘絮堆琉璃
散花碎瑤屑鐵鳳梳翎銅池填玉玦客子難爲
懷幽豔亦可悅斗酒煖深宵疎櫺手自閉煨芋燼
餘溫衾襦盪微熱栩栩夢魂遙迢迢霜漏徹顧我
同門友愛我敦且切憐我子桑飢五斗長鬚挈羞
我季子囊一金赫蹠折不惜泥濘步樞謝造門闌
廣軒庭樹蒼密室紙窻晰長筵列庶饜烹煎鮮復
潔自言寓此邦客過日不絕座滿壺不空虛名實

龍性堂詩集

卷上

十三

忝竊心儀此老翁矍鑠人之傑何來沽酒錢家非
有金穴酒半出新詩篇篇鮑謝埒以我當鼓旗奚
殊楚築薛何况餘子者泰山視丘垤憶昔青溪遊
回登虎阜噪同人共水嬉恰值中秋節月輪浸碧
空波紋細若纈嬋娟解近人髣髴可攬頰蛾眉嬋
顰鬟嬌喉啣鶯舌遊人結隊遊隊隊歌數闕直待
明河沉踏歌聲未輟只今十五秋轉瞬駛一瞥屈
指三四公攬涕心如結存者星散居逝者沉隧碣
年華隙中駒勛名雨後蜨爾我杖履健寧非壽禧

拙古來稱老驥詎甘終蹇劣伏櫪長悲鳴揚鞭飛
電掣伏勝漢皇徵遺經爲補綴壁無蝌蚪文口授
傳來哲涓濱釣璜叟年已登大耋竟百四十齡洋
洋東海烈鼓彼二丈夫努力抗前轍吳楚芳草遲
劍池寒水冽惟有玄墓梅花開春光洩載酒一高
歌歌罷唾壺缺

懷州五日龔容溪太守侍其尊人太翁讌集
廻龍亭有作

我來天中城恰值天中節天中二千石誰者稱人

龍性堂詩集

卷上

十四

傑粲粲龔少卿覃懷美元結嘉政難具陳輿人口
能說洗腆遠迎親白華昭其潔所貴色笑諧寧虞
甘旨闕卽此施有政賢聲九重徹及茲良辰遊廣
筵芳郊設諸父暨諸昆翩翩控駟馭式燕嘉賓歡
奉觴高堂悅濟瀆漾清淺行屋望巖岬廻環几席
間繡陌繁於纈酒炙紫緋趨絲竹嬌歌闋俄出落
雁都森狀猿臂列老眼花霧中橫鶻驚一瞥但聞
控弦聲靈鼉鳴未絕主人喜勸客酒闌心手熱滿
把金僕姑竟啜彩鵬血四座齊命觴渴貌飲河决

老人亦色飛欣狀不落竭予也勉大斗敢辭小戶
劣綉輿廻鳴騶旌蓋飄曲折千蹄送夕陽青林挂
玉玦從容太守歸昏省寢門闌緬思有生樂此樂
誰與埒萊瑜起舞時三公固不屑况我實鮮民踴
踊獨行不

龍性堂詩集

卷上

五

七言古

長歌寄懷吳香爲同年

榕城城裏擁三山七衢甲第千萬間君家結廬越
山下先子舊築治水灣相去不隔一牛鳴僮僕一
日百往還君齒較我十年長仲氏士龍與我班憶
昔仲氏共兒戲腰騎竹馬衣欄斑兩家老人憐幼
少道上相逢亦歡顏是時君名重膠序笑我童心
駭且頑一夕桂苑秋風起吹君乘雲騰赤鯉昇平
冠蓋重科名何人不羨讀書子鳴鑣張宴歌鹿回
一時動色光閭里空餘點額笑凡鱗何異鹽車看
驟驟時予總角頗知書手把君文書盈紙那知忽
忽十年間滄桑轉眼陵谷徙無端蟻聚海塵飛遊
魂汨汨何處歸城門晝閉珠桂絕百萬生靈同死
饑骨肉傷心那忍道白日慘澹無光輝聞君早出
逃深塢携家寄遠脫重圍鮫鱷起陸擇人食網羅
滿地盡危機縱然躡蹬出虎口毛羽摧頽萬事非
只今汝在予不死但言往事常沾衣羈棲隻影傷
飄泊自憐猶未填溝壑男兒何事不致身詎復爲

龍性堂詩集

卷上

五

儒戀糟粕卯辰逐隊秋復春草草一第慘不樂幸
隨駿足踏春明銜杯執手宛如昨長安釋褐早歸
來窻穿關心妥冥漠惟斗之嘆哀孔生沉沉九京
焉可作沉吟墓下復何言只合曳尾老丘園繞樹
烏啼啼未歇奔鯨吹浪浪猶翻重游金馬爲避地
勉承升斗給朝飧豈料一官難稅駕長吟絕塞早
閉門祇是陶潛腰肢懶非關虞翻骨相屯丈夫要
在行已志富貴浮雲何足論中牟令君勇過我拂
衣早辨五湖舸乘流飛柁下黃河况有佳人相對

龍性堂詩集

卷上

去

坐廣陵烟月足婆娑館娃嬋娟更婀娜惟道山陰
山水奇浮江直鼓耶溪柁投醪河上華堂開寓公
門前車馬駭我來西湖秋始波賞心知已樂事多
多君招我家東渡有如兔絲附女蘿採蓴夜浸湘
湖水開筵日煮右軍鷺有酒共斟朱顏酖有句共
和低聲哦最憐異地長兒女家人未免生譏訶遲
遲三載理歸權臨發未發涕滂沱少年分手輕前
期老至別離可奈何可奈何贈君歌贈君歌勿蹉
跎前路多坎軻人事日江河閩山越嶺不容舸何

君返江臯解我相思夢魂勞隣霄痛飲呼濁
醪仰天大笑續楚騷豎子成名稱人豪何殊斥鷃
矜羽毛騰躍終不越蓬蒿徒驚萬里扶搖高於乎
歌罷一揮毫滿紙蛟龍風怒號

大風雨歎

乙卯秋初日廿七夜宿鰲峰峰下室稍見參光
復沒俄望天西黑如漆吹燈就枕襪被寒乍飄萬
點撼林木中宵天飄翻轉急驟車雲暗封妓疾荒
池從無騰寸鯉蹠泅寧有蛟龍窟下民何事侮天

龍性堂詩集

卷上

去

公驚背翻風鯨波溢欲曙未曙勢尤劇萬瓦掀飛
千仞裂拔屋倒樹墻下哭哭聲遙與水聲合平明
氣色稍稍定霏霏颯絲猶未歇長鬚赤脚走刳報
一夜妻兒驚起立處處簷隙攢空光步步切堂窪
成谷園角吹亞老幹梅庭中壓却待霜橘東家流
水西家入舍南舍北豁如一已摧及肩見室家那
愁比鄰惱鷺鴨人言頗怪天文司天變如斯竟勿
覺我謂桺梓非天人天道幽旨無由質昨歲商羊
舞鄰霄西湖流金無點濕稗稻枯死絕秋粒農夫